



## Netulen Jaorvergeerding SSR 24 meie 2025.

Anwezig: een stokmennig donateurs, et bestuur, de direkteur en buro koördinator.

Bericht van verhindering: Klaas van Weperen, Karst Berkenbosch, Geke Zanen, Jelke Nijboer (Oosterwolde)

### 1. Eupening

De veurzitter, Ageeth Bos, eupent de vergeerding en hiet de aanwezige donateurs welkom. Zij zegt slim bliede te wezen mit de bezetting van et bestuur, we bin weer mooi op sterkte. Et bestuurlik overleg is weer opstat. En we bin doende mit de ni'je jaorplanning en een meerjaorenplanning. Ok bin we drok west mit et anpassen van de veroolderde statuten.

### 2. Netulen veurige jaorvergeerding

De Siktaoris leest de netulen van de veurige jaorvergeerding veur.

### 3. Jaorverslag Stellingwarver Schrieversronte 2024 deur Abel Darwinkel.

De direkteur nuumt een antal zaeken uut et verslag; ien van de heugtepunten was netuurlik de eupening van et ni'je gebouw op 19 oktober 2024, mit een protte geneudigden, meziek, rondleidingen en een prissentaoisie.

Et veurleesperjekt op peuterspeulplakken, Tomke, zal ok in 2025 weer veurtzet wodden, maar omreden dat de tekenaor uut de tied raekt is, zal keken wodden naor een ni'je vormgeving bi'j de maekers van dit tiedschrift.

Et Stellingwarver Voegelboek zal heruutgeven wodden, wel mit een peer nije foto's en teksten van de maekers, toevoegd an et oolde boek, omreden dat d'r deur de klimaotveraandering ni'je voegels spot bin. En Ruurd Jelle van der Leij wil ok graeg ni'j wark toevoegen.

Der is een ni'je kursus opstart veur meensken die Stellingwarfs praoten leren willen. Dizze kursus is maekt omreden dat hier vraog naor was.

Aende 2024 nam de Toerisme Alliantie Friesland kontakt op mit de Schrieversronte. Naor een Fries veurbeeld hebben we in december Stellingwarver spreekwoorden bi'j rustpunten in de Stellingwarven plaetst. De saemenwarking mit TAF is goed bevalen en wodt in 2025 veurtzet mit de plannen veur et perjekt Sichtberens van het Stellingwerfs. Hierveur is Christine Mulder anneumen as perjektmittwarker.

#### 4. Financieel jaarverslag

Hennie Duin locht an de hand van een prissentasie et financieel jaarverslag toe.

Oflopen jaoren bin er kosten maekt veur et geven van kursussen, omreden dat ze ommenocht geuven wodden, de kursussen moe'n in de toekomst weer meenstens kostendekkend wezen.

Et jaor 2024 wodde ofsleuten mit een positief risseltaot € 41.417,--. Dit risseltaot kwam mede tot staand deur de verkoop van de Willinge Prinsstraote 10, veur € 425.000,--. Van dit bedrag is de balansweerde van € 196.601,-- in mindering brocht. De verbouw en anpassings op de Willinge Prinsstraote 20 bin ok van dit bedrag betaeld. An boekwaerde was daordeur een bedrag van € 66.288,-- over, dit kon wodden bijteld bi'j et reguliere verlies van € 24.871,-- zodoende kregen wi'j een positief risseltaot van € 41.417,--.

Dit risseltaot is toevoegd an de algemiene reserve en die staot daordeur now op € 344.905,--. Hierdeur bin we dwongen om de vermeugenspositie te herinrichten zodat de aanwezige geldmiddelen veilig stelt wodden:

- |  |             |
|--|-------------|
| • Kontinüitietsreserve/toekomstig verlös | € 57.348,-- |
| • Kontinüitietsreseve/huurverplichtings  | € 86.667,-- |
| • Bestemmingsreserve Et Boekefoons       | € 27.162    |

Overige reserve wodt per 31 december 2024 € 173.728,--

Veurzienings bin o.a. : \* H.J. Bergveld foons € 511,--, \* Foons aktiva bedrijfsvoering € 14.381,--

\* Groot onderhoud € 20.225,--

Mit zowel de boekjaorsubsidie as verni'jingsimpuls bin veul veurbereidings al stat in 2024 maar de praktische uitvoerings weren in 2025; bi'jveurbeeld: et perjekt Wiesneus in et Stellingwarfs statte in 2024; en de uitgifte was in 2025. Dit blijft lastig omreden dat de subsidieverstrekker mit kalenderjaoren warkt. Hierdeur moe'n wi'j dit inboeken as "veuruutontvangen subsidies". Ut et jaor 2024 blijft dus staon:

- ✓ Nog uut te voeren verni'jingsimpuls 2023 € 1.190,--
- ✓ Nog uut te voeren verni'jingsimpuls 2024 € 31.738,--
- ✓ Nog uut te voeren Zichtber in de eupenbaore ruimte 2024/2025 € 65.933,--

Veur Zichtber in de eupenbaore ruimte is een bedrag van € 92.133,-- toezegd, in 2024 is hier 80 % van uutbetaeld. De laeste 20 % kriegen we in 2025 nao de verantwoording.

Veur de kontinüitietsreserve, veurzienings en nog te besteden veuruutontvangen bedraegen en de kotlopende schulden mit o.a. weerommebetaeling subsidies van Broesplak bin in geldmiddelen aanwezig.

Zorgelik bin de verwachte tekotten in de loonkosten omreden dat de subsidieverstrekker gien rekening hoolt mit indexering en CAO verhogings van de lonen. Dit is een aandachtspunt veur et overleg mit de drie overheden.

De konklusie is dat de Schrieversronte zo financieel gezond veerder kan!

## 5. Mitdielings bestuur

Et passeniel en de vri'jwilligers hebben alles mooi te plak brocht in et ni'je gebouw hier bin we slim bliede mit. Et archief is now ok mooi op odder en veilig opsleugen in de baankklus.

De naeme veur et gebouw; bi'j de verhuurder Luitzen de Jong, die hierover beslissen zal, hebben we 10 naemen (bedocht deur een stokmennig lezers van de Ovend) indiend, disse naemen werden ofkeurt. Daornao hebben we nog 3 naemen inleverd, maar disse naemen dekten, volgens Luitzen, ok de laeding niet. Inkotten gaon we hierover om taofel mit Luitzen de Jong.

Et bestuurlik overleg is weer hopen in et veurjaor van 2025 en dit overleg zal twie keer in et jaor plakvienen. Hiel belangriek dat we weer om taofel zitten mit mekeer.

Et tal donateurs lopt weeromme; we zullen nao de zoemer een aktie starten om weer meer donateurs te kriegen. Ageeth is al begonnen om de kursisten van de geven kursussen donateur te maeken, dit is een goeie stat.

## 6. Ni'je statuten Stichting Stellingwarver Schrieversronte

De ni'je statuten wodden, nao uutleg van Ageeth, goedkeurd deur de anwezige donateurs. Henk Bloemhoff markt nog op dat hi'j et mooi vient dat de donateurs zeggenschap hopen.

## 7. Ofsluting

De veurzitter bedaankt Abel en Hennie veur hun wark en de toelichting hierop. Ze bedaankt de anwezige donateurs en weenskt iederiene wel thuis.

## 8. Tied veur koffie

Oosterwoolde, 15 juni 2025

Aukje Oppersma